

名賢氏族言行類稿

三三

031
50030
22

臺灣民族言行圖

三



欽定四庫全書

名賢氏族言行類稿卷四十七

宋 章定 撰

鄭

九百二十五

姓纂周厲王少子友受封於鄭是為桓公在畿內今
華州鄭縣是也生武公與晉文侯夾輔平王東遷於
洛徙溱洧之間謂之新鄭傳十三代至幽公為韓所
滅子孫播於陳宋以國為氏

揚子谷口鄭子真不屈其志處巖石之下名震於京師
史記鄭當時字莊陳人也任俠自喜聲聞梁楚之間為
太子舍人常置驛馬長安諸郊其知友皆天下有名
之士誠門下客至無貴賤無留門者執賓主之禮以其
貴下人

前漢鄭弘字穉卿泰山剛人與兄次卿皆明經通法律
政事次卿為太原丞郡太守弘為南陽太守皆著治
條教法度為後所述弘以高第入為右扶風京師稱

之為御史大夫

鄭吉會稽人以卒伍從軍為人彊執習外國事破車師
降日逐威振西域

鄭崇字子游哀帝時為尚書僕射每見曳革履上笑曰識
鄭尚書履聲 臣門如市臣心如水

後漢鄭弘字巨君會稽山陰人太守第五倫奇之署督
郵舉孝廉拜駟令政有仁惠民稱蘇息遷淮陰太守
前漢所陳有補王政者皆著之南宮以為故事後太

尉五倫為司空班次在下每朝見弘曲躬自卑帝問其故遂聽置雲母屏風分隔其間

鄭玄字康成北海高密人從馬融質疑義問畢辭歸融曰鄭生今去吾道東矣孔融深敬之告高密縣為玄特立一鄉曰鄭公鄉門閭號通德門夢孔子告之曰起起今年歲在辰來年歲在己既寤以讖合之知命當終其年遂卒經傳洽熟稱為純儒

鄭興字少贛河南人晚善左氏傳同學者皆師之數

言政事依經守義文章溫雅 世言左氏者多祖于興而賈逵傳其父業故有鄭賈之學

鄭衆字仲師顯宗遣使匈奴虜欲令拜衆不為屈不忍大漢節對羶表獨拜

鄭泰字公業少有才畧交結豪傑家富於財有田四百頃而食常不足名聞山東為尚書侍郎遷侍御史

宦者鄭衆字季產為人謹敏有心幾一心王室不事豪黨遷太常與議事中官用權自衆始

魏志鄭渾字文公為邵陵令課耕桑重去子之法所有男女多以鄭為字遷陽平沛郡二太守興陂遏開稻田民賴其利刻石頌之號鄭陂

晉鄭冲字文和博究儒術百家之言補陳留太守以儒雅為德位太傅封壽光公

鄭袤字林叔父泰揚州刺史有高名袤早有識鑒荀攸見之曰鄭公業為不亡矣為黎陽令吏民悅服太守特見甄異為諸縣之最轉濟陰太守下車旌表孝

悌興立庠序 為廣平太守以德化為先郡中愛之
徵拜侍中百姓戀慕涕泣路隅後拜光祿大夫儀同
三司 子默字思元起家秘書郎考覈舊文刪省浮
穢虞松曰而今而後朱紫別矣 為東郡太守值歲
飢輒開倉賑給朝廷嘉其憂國 凡五升九卿 默
子球字子瑜

南史鄭鮮之字道子累遷御史中丞性剛直甚得司直
之體宋初遷都官尚書 時傅亮謝晦位遇日隆范

泰嘗誚鮮之曰卿與傅謝俱從聖主有功闕洛今日
荅颯去人遼遠何不肖之甚 後至右僕射 子愔

始安太守

鄭紹叔字仲明為安豐令有能名 仕梁為衛尉卿忠

於事上所聞纖毫無隱 傾心接物多所舉薦

鄭灼字茂昭勵志儒學尤明三禮仕陳兼國子博士

北史鄭義字幼麟開封人文成末拜中書博士後為兗

州刺史政以賄成西門受羊酒東門沽賣之 子懿

字景伯間雅有政才為孝文所器遇拜黃門侍郎出
為齊州刺史弟道昭字僖伯孝文饗侍臣與兄懿
俱侍坐孝文歌曰白日光天兮無不曜江左一隅獨未
照懿歌曰雲雷大振兮天門闢率土來賓一正歷道
昭歌曰皇風一鼓兮九地匝戴日依天清六合累遷
國子祭酒歷光青二州刺史子述祖字恭文有風
檢為先達所稱譽齊遷兗州刺史父亦嘗為此
州百姓歌曰大鄭公小鄭公相去五十載風教猶相

同 及病曰一生富貴足矣以清白之名遺子孫
死無所恨

鄭道邕字孝穆以清約自居行岐州刺史留情綏撫績
為天下最周文帝歎美之徵為京兆尹 子譯字正
義位至上柱國隋文立有定策之功

鄭偉字子直倜儻有大志每以功名自許後為華州刺
史前後泣職皆以威猛為政吏人莫敢犯禁盜賊亦
為之休止

鄭頤字子默天保中遷中書侍郎

隱逸鄭修少隱於岐南凡谷不交世俗雅好經史專意

玄門

唐鄭善果鄭州人為魯郡太守母崔氏賢明曉政治嘗
坐閣內聽處決中理則悅有不可引至牀下責愧之
故善果所至有績號清吏

鄭元璿字德芳善果從父兄諭罷可汗兵數年始得還
帝勞曰卿不辱於虜輩蘇張矣拜鴻臚卿突厥攻

太原詔元璿持節往既至虜以不信咎中國元璿隨
語折讓無所屈太宗賜書曰知公口伐可汗如約遂
使邊火息燧朕何惜金石賜於公哉後轉左武侯大將軍
鄭權汴州人擢進士第佐涇原節度劉昌府昌入朝度
其軍必亂以權寬厚容衆留主後務昌去軍果亂權
挺身明諭殺首亂者一軍畏伏 穆宗立持節為回
鶻告哀使權識詣魁然有閎辨與可汗爭曲直持議
明壯虜禮異之

鄭餘慶字居業鄭州人三世皆顯宦少善屬文擢進士
第憲宗立復平章事遷尚書僕射餘慶以宿德進公
論浩然歸重少砥礪行已完潔仕四朝其祿悉周
所親常語人曰祿不及親友而侈僕妾者吾鄙之後
生內謁必引見諄諄教以經義務成就儒學奏議類
用古言從父綢第在南餘慶第在北世謂南鄭相
北鄭相云子澣

鄭澣本名涵第進士遷右補闕敢言無所諱憲宗嘗謂

餘慶曰涵卿令子而朕直臣也可更相賀 為侍講
學士帝使稗擷經史為要錄愛其博而精進尚書左
丞子處誨從謹

鄭處誨字廷美文辭秀拔撰明皇雜錄為時所傳

鄭從謹字正求及進士第進門下侍郎沙陀都督李國
昌擾邊朝廷以為憂乃拜從謹為節度兼招討使自
擇參佐皆一時選士人比太原為小朝廷言得才多
也時新亂之後日有殺掠從謹貌溫而氣勁多謀而

善斷將士欲為惡者輒先覺誅之軍中由是遂安時
鄭畋以宰相鎮鳳翔移檄討賊兩人以忠義相提賊
尤憚之號二鄭云

鄭珣瑜字元伯鄭州人大厯中以諷諫主文科高第四
遷禮部侍郎為河南尹性嚴重少言未嘗以私託人
人不敢謁以私既至清靜惠下賤歛貴發以便民

治河南比張延賞而重厚堅正過之進門下侍郎同平
章事李實為京兆尹剝下務進奉珣瑜顯詰曰進奉